



I wan bigfala respek mo hona blong mi blong raetem leta ia i kam long yu. Mi raetem leta ia blong letem yu save se yumi gat wan gudfala skul we i stap kam long yumi long Shefa. Nem blong hem i Skul blong Kraes. Skul ia i bin stat long 1992 mo i bin go long ova wan handred kantri long wol ia finis. Skul blong Kraes i wan ministry blong wan olfala pasta blong AOG long Amerika we nem blong hem i Pasta B.H. Clendennen. Skul ia i blong tri wiks. Pasta Chamblee hem i bin tijim Skul blong Kraes finis long Santo mo Tanna mo bae hem i kambak bakegen long Novemba 2011.

Mi raetem leta ia blong talem se yu welkam blong kam long nexis Skul blong Kraes we bae i stap long Joy Bible Institute . Mi hop se bae yu tekem janis ia blong mekem yu kam stong moa long saed blong spiritual laef blong yu. From we long skul ia, mifala i save takem 65 student nomo yu mek sua se yu no wet long taem tumas blong putem nem blong yu.

Wanem dei skul ia i kam? Skul blong Kraes i kam long 1 Novemba go kasem 18 Novemba, 2011. Sipos yu wantem kam long skul yu mas save stap long evri dei stat long fas dei go kasem en blong hem.

Skul i stap wea? Skul blong Kraes i stap long Joy Bible Institute long Port Vila.

Wanem praes blong skul? Skul blong Kraes i no gat praes long hem. I fri long evri pasta. Yu no nid blong wori long ples blong slip, pem kakae o' pem skul.

Hu i save kam long skul? Eni pasta blong eni jos mo eni yangfala man we i filim se God i singaotem hem blong hem i kam wan pasta. Sipos yu no wan pasta, yu nidim pasta blong yu blong saenem pepa blong yu.

Sipos yu wantem kam plis fulemap pepa ia bifo long 30 Septemba 2011 mo sanem pepa ia i kam long: Assemblies of God Headquarters, PO Box 332, Port Vila. Telephone: 26651

Nem blong yu _____

Ples blong yu _____

Jos blong yu _____

Wanem taem yu bin kam bihaen long Masta? _____ Yu bin kasem Baptaes long Tabu Spirit olsem ol man i kasem long Ol Wok 2:4 _____ Sipos yes, wanem taem? _____

Saenem nem blong yu _____

Sipos yu no wan pasta plis askem pasta blong yu i saen long ples ia _____

Tok tok i go long ol pasta: Pasta, long skul ia mifala i wantem ol yangfala we i gat hevi tingting long saed blong wok blong God mo we laef blong olgeta i pua gud. Sipos yu save we laef blong yangfala ia no tabu plis yu no saen blong letem hem i kam long skul ia. Tankyu Tumas.